

Powšitkowne WOZJEWJENJA

njedźelu, 20. awgusta 2017

Zelowy swjedzeń w Klóštrje

Na klóšterskej zahrodze w Pančicach-Kukowje je tutu njedźelu, 20. awgusta, tradicionelny zelowy swjedzeń. Ekumeniski nyšpor w 14.30 hodź., na kotrymž so zelowe kwěćele požohnuja, změjetaj propst Clemens Hrjehor z Kamjenicy a ewangelski wyši krajny cyrkwinski rada Ditrich Bauer z Drježdźan. Rjadniske sotry Božu službu sobu wuhotuja. Nyšporej přizamknu so koncert młodžinskeho orchestra z Lešnicy a zelowe wiki.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 5. septembra, w 14 hodź. do Domu biskopa Bena w Smochćicach přeprošeni. Zajimcy njech so prošu hač do srjedy, 30. awgusta, w redakciji Katolskeho Posoła přizjewja, telefonowe číslo (0 35 91) 55 02 12. Štóž chce wotewzaty być, njech to prošu zdźěli.

Wulět dekanatneje młodžiny

Přeprašujemoj wutrobnje na wulět dekanatneje młodžiny njedźelu, 3. septembra. Wotjědźemy z busom něhdže w 12.00 hodź. Dokładny plan, zwotkel bus w kotrym času pojedže, so wšěm, kotřiž su so přizjewili, po 23. awgusće z mejlku zdźěli. Přinošk wučinja 25 eurow na wosobu. W nim su jězba z busom, swačina a wječer, zastupy a jězba z čołmom a reje w Haslowje zapřijate. Přizjewće so prošu z mejlku hač do srjedy, 23. awgusta, pod don.boskowy-dom@t-online.de a napišće swoje mjeno, starobu, hdže bydliće a hač byšće radšo konfiseriju abo wopički wopytali. Městna za jednotliwej poskitkaj kaž tež za cyłkowny wulět su wobmjezowane.

Farar Gabriš Nawka a Lucija

Maćična akademija w Budyšinje

Dr. Alexander Maxwell, stawiznar a docent na uniwersiće Victoria we Wellingtonje w Nowoseelandskej, přednošuje štwórtk, 24. awgusta, w 19.30 hodź. w Budyskim hosćencu „Wjelbik“, na Žitnej 7, k temje „Serbsčina w słowjanskim swěće: taksonomija a napodobnjenje“. Zastup na něm skorěčny přednošk je darmotny. Wšitcy zajimcy su wutrobnje přeprošeni.

Wustajeńcu k reformaciji w Serbskim muzeju zakónča

Přichodny tydzeń zakónča w Budyskim Serbskim muzeju wosebitu wustajeńcu „Pječ lětstotkow. Serbja a reformacija“ z dwěmaj poskitkomaj. Srjedu, 23. awgusta, w 19 hodź. přednošuje dr. Lubina Malinkowa pod titulom „Ochranow a Serbja“ wo wliwje bratrowskeje wosady na serbsku kulturu. Referentka přednošuje serbsce, runočasnje so přednošk do němčiny přeloži. Hodžinu do toho poskići so zajimcam wodženje po wustajeńcy. Finisaža budže njedźelu, 27. awgusta. W 15 hodź. wodźi superintendent Jan Malink serbsce po wustajeńcy k reformaciji a w 17 hodź. němsce. W 16 hodź. započnje so literarno-hudźbny program, kotryž wuhotujetej basnica Měrana Cušcyna a chór Budyšin.